

第十集

粵雅堂叢書

第十集

易雅堂藏書

九國志

粵雅堂叢書目

第十集

九國志十二卷

宋路振撰

張唐英補

胡子知言六卷疑義一卷附錄一卷

宋胡宏撰

蒿庵閒話二卷

國朝張爾岐撰

後漢書補註二十四卷

國朝惠棟撰

後漢書補表八卷

國朝錢大昭撰

九國志卷一

宋 路 振 撰

吳

太祖以唐景福元年再入揚州至睿帝天祚三年爲南唐所篡蓋晉天福三年也歷傳四主凡四十六年

太祖

姓楊名行密初名行愍字化源廬州合肥人唐中和三年起兵爲亂光啓三年入揚州自稱淮南留後景福元年七月再入揚州唐以爲淮南節度使乾甯二年封宏農王天復二年進爵吳

王天祐二年十一月庚辰薨年五十四諡曰孝
武王廟號太祖乾貞元年追尊爲武皇帝陵曰
興陵

烈祖

名渥字承天行密長子唐天祐二年冬嗣位五
年五月戊寅爲張顥徐溫所弒年二十三諡曰
威武義初改諡景王廟號烈祖乾貞元年追尊
爲景皇帝陵曰紹陵

高祖

名隆演初名瀛又名渭字鴻原行密第一子唐
天祐五年五月己卯嗣位十六年建吳國改唐

天祐爲武義元年二年四月己丑薨年二十四
諡曰宣乾貞元年尊爲高祖宣皇帝陵曰肅陵
睿帝
名傳行密第四子武義二年六月戊申嗣位改
元順義乾貞元年稱帝天祚三年禪位南唐昇
元二年十月辛丑薨年二十八追諡曰睿皇帝
葬平陵凡改元四順義六年乾貞二年太和六
年天祚三年

吳

袁襲

襲廬江人少好學善屬文洞明緯象秦畢之亂高駢辟
行密爲行軍司馬俾率所部赴難行密猶豫不行襲言
於行密曰高駢倦於政事聽惑妖妄彥等雖以誅呂用
之爲名觀其事乃以暴易亂耳甯知非天將贊於公耶
行密善其言乃移檄諸州誘集徒眾將兵數萬長驅至
廣陵秦畢害駢勸行密縞素舉哀於城下眾皆義之
及破賊入城招輯編戶會孫儒兵至行密問計於襲曰
今城壁未完賊且盛若儒至圍城是重擾民也不如且
避之先是海陵將高霸擁眾來附行密將令以兵屯天

長扼儒來路襲謂行密曰霸擁大眾心持兩端若使居
天長是自扼也可因犒其士卒擒而斬之行密遂斬霸
而併其兵行密聞孫儒至復欲遁歸海陵襲曰不若歸
合淝繕甲兵再議攻取今稽諸乾象公必再來及孫儒
逼城行密果自天長返謂襲曰無子吾幾不得歸行密
已平宣州獲趙錙留與其弟同館錙與梁祖有素果遣
使來求錙時襲寢疾行密使人問襲襲曰但斬首送之
必無慮也未幾卒襲剛忍好克每欲殺人必折節下之
行密哭之曰吾每恤刑而襲好殺享年不永深可哀也

卷一萬八千一百三十四第二頁

劉威

威廬州慎縣人少爲小吏豪爽有志節與田頽陶雅俱爲行密奔走之舊行密起淝上及平秦畢有功表領竇州刺史大順初與安仁義取孫儒別將劉建鋒於武進其後儒兵益集威與頽屢爲所敗行密將歸銅官威曰今眾寡勢殊殆難與爭然儒焚室掃壘絕後而來糧若不繼何從供饋公宜勿與戰堅壁以禦之坐待其弊行密然之儒果敗乾甯初表授廬州刺史及行密承制封

拜就遷淮南節度副使行軍司馬東西行營副都統未
幾加使相天祐三年授鎮南軍節度使撫州危全諷率
虔吉撫信之眾十餘萬將復鍾傳舊地時州兵無多士
庶大駭威獨傲然日縱酣飲全諷屯象牙潭不敢輕進
及周本破全諷四州初平潁令威巡視四境撫諭而還
先是行密疾病問周隱以後事隱以威爲請威初聞不
能無意及移鎮鍾陵復多專刑徐溫請討威威聞之沮
喪計無所出有幕客黃訥謂威曰公受謫雖深反本無
狀能挺身入覲必解前疑也威曰善遂遣訥爲先容潁

果復令之鎮天祐十一年卒於鎮年五十八

卷一萬八千一百三十四第三頁

陶雅

雅字國華合肥人本儒家子儀形魁偉眉目甚秀乾符中天下將亂始投筆私行會西蕃入寇徵四方兵防秋靈夏雅與行密淝上軍偕往未幾改隸諸葛爽征沙陁有功從爽鎮河陽還補廬州衝山指揮使行密據合肥遣雅平鄉盜秦定過修已等遷入營主將光啟初破桐城吳迴擊李本於柳子山乘勝攻舒州下之以雅爲舒

州刺史爲蔡盜許勅潛兵夜至雅奔歸文德初從行密
破趙錕授池州刺史大順中破孫儒軍於人頭山儒平
授常州刺史遷池州團練使田頔攻歙州時給事中裴
樞守新安將歸款於行密以宣州副使魯郃往代之是
時諸將授郡鮮不以虐斂爲事惟雅寬厚人多便之樞
因遣問政山人聶師道往說頔曰苟得池陽陶牧爲守
州人孰不承命頔驛報行密因令雅治新安入見樞盡
州郡禮樞奇之及樞至京師奏雅爲歙州刺史天復三
年田頔以宣州叛雅以州兵助臺濛伐之頔出戰橋陷

大國志卷一
三
墮馬爲帳下小卒許渥王綬所殺宣州平兼西南面招
討使先是順義軍使汪武聚盜據婺源行密以爲滁州
刺史婺源歙屬邑武恃險未嘗謁雅及頽叛武多行剽
劫至是雅移檄聲言討洪饒由婺源往武引弟姪十餘
人就路迎謁雅顧左右擒殺之緩轡入其營中無敢動
者天祐初陳詢以睦州歸款吳越遣萬眾攻詢雅率兵
救之軍士夜驚多踰營遁去將吏白雅欠伸不應乃下
令曰明旦有軍士不在營者俱斬遞相傳告未頃而定
明年破婺州虜越州刺史沈夏以功遷衢睦團練使江

南都招討會宣州王茂章叛奔越雅虜茂章伏兵斷其歸路乃令大將軍金師會領睦州事遂班師新安而越兵大至衢睦婺三州復沒八年移鎮武昌雅利黥川殷阜上書請之遂遙領武昌軍節度加同平章事知歙州團練觀察等事十年八月卒於任年五十七雅性沉靜好讀書手不釋卷雖臨陣敵常褰衣博帶自幼年戲弄未嘗有錐刀傷手及爲大將每矢石交飛終莫能中接賓佐有禮事父兄以孝敬非公宴不舉音樂疎財重士人以此歸之典黥川二十餘年民感其化生男女或以

九國志卷一
陶爲字焉

卷一萬八千一百三十四第三頁

李神福

神福洺州人幼執親喪哀毀過瘠鄉里異之及長沈厚
勇敢唐末四境交募勁兵因逮上黨軍籍時高駢兼諸
道行營都統神福從州將王重屯淮海因投於行密中
和中同安賊陳儒攻刺史高瀆遣使來告行密未能救
謀於神福對曰此羣盜烏合易與耳公但聲言赴援可
不勞尺刃爲公解之乃請本軍旌旗間道以入旣夕引

州兵出外各持旌旗入列大陣之狀儒果夜遁行密大
奇之光啟二年壽州張翽叛寇淝上神福率兵與戰敗
之於楮城秦畢之亂高駢召行密因遣神福諭曲谿劉
金旰賸賈令威各以義兵來附破秦畢軍神福功居多
會選卒爲黃頭軍遷神福爲左右黃頭都尉龍紀中涇
縣王賞太平嵇常滿俱聚盜剽鄉里神福引兵破之但
誅其首惡餘皆不問大順二年孫儒前鋒兵屯溧水行
密遣神福將兵禁之神福謂諸將曰兵倍不戰况儒眾
十倍於我當且避其鋒以驕之乃退舍而儒眾果怠神